

Osterøy kommune,
Planavdelinga

Vedrørende ny plan, nr. 46302015001, Lonevåg sentrum.

Etter å ha studert planen for mogleg grønt areal i Lonevåg sentrum ynskjer me å utrykke vår bekymring.

Slik me ser det, vil sentrumslivet verte øydelagd. Me lever på ei øy beståande av mange ulike bygder, kvar avstanden mellom heim og sentrum kan vere stor. Mange lokale er difor avhengige av bil framføre kollektivtransport. Det å då skulle strupe sentrum for om lag 75 parkeringsplassar, for tilrettelegging av ei gågate, verkar for oss, ganske bakvendt.

I følge planen, vil vegen til kai- og handelsområdet bli lagt bak den gamle bankfilialen og gå langs fjellet. Sentrum vil difor opplevast som meir skjult og isolert, noko som vil medføre nedsett aktivitet, ikkje berre for drifta vår, men også for dei andre næringsdrivande kring oss. For å teste ut denne påstanden foreslår me ei prøve-nedstenging av innkørselen ved Osterøykroa. Dette kan gjennomførast over ein liten periode på 48 timar for framskaffing av data. Først då kan me samanlikne aktivitetsnivået og forstå kva konsekvensar eit slikt inngrep i sentrumslandskapet vil føre med seg.

Osterøykroa har vore ope og under same leing sidan 1997, me kan difor trygt seie at me kjenner Lonevåg sentrum betre enn dei fleste. **Vårt forslag** for å bevare aktiviteten og framkomsten, er å rive huset mellom Osterøykroa og hotellet, omgjort for tilrettelagt uteområde med luftig parkering. Me trur dette vil gagne Ostringar meir enn ei gågate i eit døyande sentrum.

Tatt oss alle i betraktning, håpar me dykkar forslag, nr. 46302015001 ikkje vert vedtatt.

Sjølvs har me tre eigedommar her. Osterøykroa Eigedom AS eig restaurantbygget, og Vest Trade AS som eig hotellbygget og hus med tilhøyrande garasje mellom kroa og kjøpesenteret. Driftselskapet for kroa er Osterøykroa AS.

Lonevåg 2. juni 2021

Røy Dyrkolbotn

Dagleg leiar

Svein Dyrkolbotn

Styreleiar